

漢魏六朝百三家集

東漢 十一人

馮曲陽集

江苏工业学院图书馆
藏书章

第十册

馮曲陽集題詞

馮敬通以野王之孫不仕王莽天下

兵起說廉丹棄新就漢懇欵再三丹

不悟而死後歸更始與鮑永田邑拒

光武屢招不下更始歿廼降身亦終

廢其所著賦誄銘說問交德誥慎情

書記說自序官錄說策五十篇遺逸
者多卽今所傳慷慨論列可謂長於
春秋夫西京之文降而東京整齊縟
密生氣漸少敬通諸文直達所懷至
今讀之尚想見其揚眉抵几呼天飲
酒誠哉馬遷楊惲之徒也北地任女

情好不倫書詞詆訶如磔狐鼠彼惟
不得志於時故發憤於中聿然亦足
爲姬婦戒矣幅巾歸誠偃蹇郡邑陰
侯之交亦非得已復以此獲罪幾死
獄門窮困無徒空文自老回思委贄
更始橫刀并土之日事同隔世陸機

謂之曰怨江淹名之以恨其知心乎
建武八事其書不傳自陳哀惻不蒙
見荅上慚鮑子下愧田生志命興漢
之臣而一生蹈後夫之罰是真雨而
表堂而策矣顯宗欲用其身而毀者
曰至肅宗重其文而其人已死馮氏

多賢遇者希少新豐地脉又安在哉
孟堅詳雅平子淵博高步東漢若言
豁達激昂鷹揚文囿則必首敬通云

婁東張溥題

馮曲陽集目錄

賦

顯志賦

疏

自陳疏

奏記

奏記鄧禹

牋

與鄧禹牋

書

與田邑書

說鄧禹書

與鄧禹書

與陰就書

出獄後與陰就書

與婦弟任武達書

與宣孟書

論

自論

銘

刀陽銘

刀陰銘

杖銘

杯銘

車銘

附錄

本傳

詩

車

林

林

林

林

詩

馮曲陽集目錄

馮曲陽集卷全

漢京兆馮衍敬通著

明太倉張溥天如閱

賦

顯志賦

開歲發春兮，百卉含英。甲子之朝兮，汨吾西征。
發軔新豐兮，裴回鎬京。陵飛廉而太息兮，登平
陽而懷傷。悲時俗之險阨兮，哀好惡之無常。棄
衡石而意量兮，隨風波而飛揚。紛綸流於權利

今親雷同而妒異獨耿介而慕古兮豈時人之
所憲沮先聖之成論兮邇名賢之高風忽道德
之珍麗兮務富貴之樂耽遵大路而褻回兮履
孔德之窈冥固衆夫之所眩兮孰能觀於無形
行勁直以離尤兮羌前人之所有內自省而不
慙兮遂定志而弗改欣吾黨之唐虞兮愍吾生
之愁勤聊發憤而揚情兮將以蕩夫憂心往者
不可攀援兮來者不可與期病沒世之不稱兮
願橫逝而無由陟雍時而消搖兮超略陽而不

反念人生之不再兮，悲六親之日遠，陟九嶷而
臨薨，辭兮。聽涇渭之波聲，顧鴻門而歔歔兮。哀
吾孤之早零，何天命之不純兮。信吾罪之所生，
傷誠善之無辜兮。齋此恨而入冥，嗟我思之不
遠兮。豈敗事之可悔，雖九死而不眠兮。恐餘殃
之有再，淚沆瀾而雨集兮。氣滂淖而雲披，心拂
鬱而紆結兮。意沈抑而內悲，瞰太行之嵯峨兮。
觀壺口之崢嶸，悼丘墓之蕪穢兮。恨昭穆之不
榮，歲忽忽而日邁兮。壽冉冉其不與，恥功業之

無成兮赴原野而窮處昔伊尹之干湯兮七十
說而乃信臯陶釣於鼉澤兮賴虞舜而後親無
二士之遭遇兮抱忠貞而莫達率妻子而耕耘
兮委厥美而不伐韓盧抑而不縱兮騏驥絆而
不試獨慷慨而遠覽兮非庸庸之所識卑衛賜
之阜貨兮高顏回之所慕重祖考之洪烈兮故
收功於此路循四時之代謝兮分五土之刑德
相林麓之所產兮嘗水泉之所殖修神農之本
亲兮採軒轅之奇策追周棄之遺教兮軼范蠡

之絕迹。陟隴山以踰望兮。眇然覽於八荒。風淚
飄其竝興兮。情惆悵而增傷。覽河華之決漭兮。
望秦晉之故國。憤馮亭之不遂兮。愠去疾之遭
惑。流山岳而周覽兮。狗碣石與洞庭。浮江河而
入海兮。泝淮濟而上征。瞻燕齊之舊居兮。歷宋
楚之名都。哀羣后之不祀兮。痛列國之爲墟。馳
中夏而升降兮。路紆軫而多艱。講聖哲之通論
兮。心惛憶而紛紜。惟天路之同軌兮。或帝王之
異政。堯舜煥其蕩蕩兮。禹承平而革命。并日夜

而幽思兮，終怵憚而洞疑。高陽顰其超遠兮，世孰可與論茲。訊夏啓於甘澤兮，傷帝典之始傾。頌成康之載德兮，詠南風之歌聲。思唐虞之晏晏兮，揖稷契與爲朋。苗裔紛其條暢兮，至湯武而勃興。昔三后之純粹兮，每季世而窮禍。弔夏桀於南巢兮，哭殷紂於牧野。詔伊尹於亳郊兮，享呂望於艸洲。功與日月齊光兮，名與三王爭流。楊朱號乎衢路兮，墨子泣乎白絲。知漸染之易性兮，怨造作之弗思。美關雎之識微兮，愍王